



五

00222

唐文拾遺卷之九



榮祿大夫三品頂戴前分巡廣東高廉道

加四級監國心源輯

梁太祖

事蹟詳全唐文一百一

改宮殿門名制



東京宮殿諸城門宜賜名額正殿爲崇元殿東殿爲
立德殿內殿爲金祥殿萬歲堂爲萬歲殿門如殿名
大內正門爲元化門皇牆南門爲建國門滴漏門爲
啟運門下馬門爲升龍門立德殿前門爲崇明門正
殿東門爲金烏門西門爲玉兔門正衙東門爲崇禮

卷九

門東偏門爲銀臺門宴陽門爲德陽門天王門爲賓
天門皇牆東門爲寬仁門浚義門爲厚載門皇牆西
門爲神獸門望京門爲金鳳門宋門爲觀化門尉氏
門爲高明門鄭門爲開明門梁門爲乾象門酸棗門
爲興和門封邱門爲含曜門曹門爲建陽門昇開封
府爲□□浚儀爲赤縣尉氏封邱雍邱陳留爲畿縣
冊府百
九十六

賜諸道節度使一子官制

諸道節度使錢鏐張宗奭馬殷王審知劉隱各賜一
子六品正員官高季昌賜一子八品正員官賀德倫

賜太子九品正員官

冊府二
百十

討劉知俊懸爵賞詔

削奪劉知俊在身官爵仍徵發諸軍速令進討如有

軍前將士懷忠烈以知幾賊內朋徒憤脅從而識變

便能梟夷逆監擒獲兇渠務立殊功當行厚賞活捉

得劉知俊者賞錢一萬貫文便授忠武軍節度使并

賜莊宅各一所如活捉得劉知浣者賞錢一千貫文

便與除刺史有官者超轉三階無官者特授兵部尚

書如活得劉知俊骨肉及近上都將并梟送闕廷者

賞賜有差

冊府二
百十六

卷九

二

幸蒲陝詔

同州邊隅繼有士眾歸化暫思巡撫兼要指揮今幸

蒲陝取九日進發

冊府二
百五

巡幸東京詔

東京舊邦久不巡幸宜以今月九日幸東都扈從文

武官委中書門下量閑劇處分

同上

升汴州爲開封府詔

古者興王之地受命之邦集大勳有異庶方沾慶澤

所宜加等故豐沛著啟祚之美穰鄧有建都之榮有

壯洪基且旌故里爰遵令典先示殊恩宜升汴州爲

開封府建名東都其東都改爲西都仍廢京兆府爲
雍州刺史佑國軍節度使冊府百九十六

差官祭嶽瀆山川詔冊府百九十六

初宅洛都將行郊祀應嶽瀆名山大川及諸州有靈
跡封崇神祠各宜差官吏精虔祭告冊府百九十三

改拜郊日期詔

秋冬之際陰雨相仍所司選日拜郊或慮臨時妨事
宜令別更擇日聞奏冊府百九十三

令魏州差官禱雨詔

魏律將遷亢陽頗甚宜令魏州差官攬龍祈禱冊府百九十三

卷九

九十

令宰臣祈雨詔

雨澤愆期祈禱未應宜令宰臣各於魏州靈祠精加
祈禱冊府百九十六

戒牧宰詔

其理庶民是資牧宰克勤厥職必選端良儻狗私以
滅公則興災而歛怨豈遵條教實蠹風猷其所在長
吏不得因緣差役分外誅求律令所施典刑具在豈
容殘忌合務哀矜宜令所在長吏不得濫刑酷法須
臻有道免致無辜冊府百九十六

闢以時開閉詔

闢是正門也宜以時開閉用達陽氣委皇城使准例

檢校啟閉車駕出則闔扉

五代會要二十四

禁朝參官從人不得闖入銀臺門勅

左右銀臺門朝參諸司使庫使已下不得帶從人出

入親王許一二人執條沐手簡餘悉止門外闖入者

抵律闔守不禁其所犯同

冊府百九十一

官餘放宮人勅

西宮所有前朝宮人宜放出宮任從所適

五代會要一

給行營陣歿家屬糧賜勅

卷九

四

去年六月後昭義行營陣歿都將吏卒死于三事追

念忠赤乃錫其名氏各下本軍令給養妻帑三年內

官給糧賜

冊府百九十五

安存陣歿將士家屬勅

諸都如有陣歿將士仰逐都安存家屬如有弟兄兒

姪便給與衣糧充役

同上

改南郊日期勅

兩都宮內修造尙未畢功過此一冬方當絕手宜令

於來年正月內選日申奏

冊府百九十三

恤陣歿將士勅

行營將士陣歿者咸令所司給轉櫝津置歸鄉里冊

一百九十五

凡補監生須愿修學劄

宜准往例自今後凡補監生須令情愿於監中修學

則得給牒收補仍據所業次第逐年考試申奏如收

補年深未聞藝業虛沾補牒不赴試期亦委監司具

姓名申奏五代會要十六

落辭鈞進士劄

禮部所放進士辭鈞是左司侍郎薛廷珪男方持省

轄固合避嫌其辭鈞宜令所司落下冊府六百四十九

卷九

止絕舉人拔解劄

近年舉人當秋薦之時不親試者號為拔解今後且

止絕五代會要三十二

裴迪榜文

謬膺委口總授三藩軍機雖罄於掘謀民政全繫于

右席節度裴判官詳明吏理前冠賓筵冰檠不渝始

終如一自此應諸州錢穀刑獄等並請指揮仍偏報

管內咸遣知委

梁末帝

事蹟詳全唐文一百二

令御史臺點檢諸道入奏官詔
諸道入奏判官宜令御史臺點檢各從正衙退後便
於中書門下公參辭謝如有違越具名衙聞奏應面
賜章服仍令閣門使取本官狀中書門下受勅後方
可結入新衙冊府

李鄴多因釋教誑惑羣情此後不得出入無常冊府

大康等縣夏稅據見苗輸納
開封府太康襄邑雍邱三縣遭陳州賊軍奔衝其夏

稅只據見苗輸納冊府四百九十一

卷九

後唐莊宗

事蹟詳全唐文一百四

斷除宰殺馬牛勅

凡軍人百姓將牛驢及馬宰殺貨賣今後切要斷除
如敢故違便即擒捉不問職分高低所在處斬訖奏
其本軍指揮使若不切口鈐轄致軍內有人違犯別
處捉獲亦當取斷五代會要九
在京空地任人請射勅
外臣寮於京邑之中無安居之所亦可請射各自修

營其空閑有主之地仍限半年本主須自修蓋如過
限不見屋宇亦許他人占射五代會要二十六

皇嘗諸陵臺令不得影占人戶勅百官志並不指官

宗正寺嚴切指揮諸陵臺令丞不得輒令影占人戶

其諸陵舊例合破巡人仍令酌量額定數自本州

縣于中等人戶內差遣交付陵所切不得自招影占

人戶攪擾鄉村致妨縣司差遣色役便仰密具本官

姓名申奏當行朝典仍具條約曉示諸陵臺及本州

縣訖聞奏五代會要四

職聞覺察藩方私買衣甲勅西京雜記宜令嚴管

卷九

如聞藩方入奏之人多於京內私買衣甲宜令總管

司密加覺察五代會要十一

披偽蜀降官次第任使勅西京雜記本州

初平偽蜀應偽署官員等官至太師太傅及三少并

太尉司徒司空侍中中書令左右僕射已上並宜降

至六尚書臨時更約高卑為六行次第階至開府特

進金紫者文班降至朝議大夫武班降至銀青爵如

是舊偽署將相已上與開國男三百戶餘並不許有

封爵其有功臣名號並須削去如檢校官至郎中員

外郎兼侍御史已下如是偽署節鎮率先向化及立

功效者委行營都統緣事迹獎任如刺史除停罷外
有見任政績可稱者但許稱使君不得更有檢校及
兼官其爲署班行正官四品已上依此降絀五品已
上如不會經本朝授官又無族望可稱者材智有聞
卽許於府縣官中量材任使如無材智可錄者並宜
放歸田里若西班有稱統軍上將軍者若本是功臣
子孫及將相之後並據人材高下與諸衛小將軍率
府副率中郎將次第授任如是小將軍已下堪任使
者委西川節度使補衙前押衙已下職所有歸降官
除軍前任使下並稱前衙續據材行任使

五代會要十七

卷九

八

將軍答李琪轉倉贍軍條陳勅

李琪所論召募轉倉斛斗與官行賞委租庸司下諸

州府有應募者聞奏施行

冊府五十九

水潦放免兩稅勅

自京以東幅員千里水潦爲沴流離漸多宜自今月

三日後遊正殿減膳徹樂省費以答天譴應去年經

水決處鄉村有不逮及逃移人戶差科夏秋兩稅及

諸折科委逐處長吏切加檢點並與放免仍一年內

不得雜差遣應在京及諸縣府停住斛斗並令減價

出糶以濟公私如在遵行仰具奏聞

五代會要十一

李文矩等復舊官勅

其先減省員官除已別授官外左散騎常侍李文矩等三十人宜卻復舊官太子詹事石戩五人宜以本官致仕將作少監岑保嗣等一十四人候續勅處分

五代會要三十

奏狀斜封明題公事勅為始
四京併諸道州府及京百司應申奏諸色公事奏狀等先曾指揮並須實封斜角其常呈奏狀於斜封上明題所為公事或干軍機者不題直至御前開封進呈事宜指揮四京及諸道令散下管內諸州依元宣

卷九

九

旨處分其在京百司仍令御史臺各錄勅文曉告五代

會要

觀察支使俸料准掌書記勅

宜令諸道節鎮依舊更置觀察支使前員其俸料春

冬衣賜仍准掌書記例支遣餘依租庸院所奏五代會要

七十九

報齊州刺史孟璆書

爾當我急時引我七百騎投賊何過之但予推心御

物不欲坐汝我不阻爾來將何面相視邪冊府

事蹟詳全唐文一百六十五卷
任百姓私麴醞酒詔
應三京鄴都諸道州府鄉村人戶自今年七月後於

夏秋田苗上每畝納麴錢五文足陌一任百姓自造
私麴醞酒供家其錢隨夏秋徵納其京都及諸道州
府縣鎮坊界內應逐年買官麴酒戶便許自造麴醞
酒貨賣仍取天成二年正月至年終逐戶計算都買
麴錢數內十分只納二分以充權酒錢便從今年七
月後管數徵納權酒戶外其餘諸色人亦許私造酒
麴供家卽不得衷私賣酒如有固違便仰糾察勒依

卷九

中等酒戶納權其坊一任酤賣不在納權之限其麴
勅命到後任便踏造如賣麴酒戶中有去年曾買麴
今年因事不辨買麴住開店者則與出落如覩新勅
有情願開店投權者則不計舊戶便令依見納錢中
等戶例出權以後酒戶中有無力開店賣亦許隨處
陳狀其舊納麴錢並宜停廢應諸處麴務據見管麴
亦仰十分減八分價錢出賣不得更請官本踏造

五百

明法科同開元禮科勅

其明法科今後宜與開元禮科同其選數兼赴舉之

時委貢院別奏請會諸法試官依格例考試

五代會要二十三

答司天臺勅

宜令司天臺密奏留中外其餘凡奏厯象雲物水旱等事及諸州府或奏祥瑞一一並申送史館

五代會要十八

量力進奉不得傷耗生靈勅

應中外臣寮及三京諸道州府如是謝賀并節序並可據有無量力進奉不得因茲拮斂傷耗生靈至於奇巧珍玩飛放搏噬之物並不得轉將進奉

五代會要五

答史館奏事勅

史館奏陳事件皆叶規程顯驗公勤並宜依允

冊府五百

卷九

十一

七五

答和凝奏五鳳樓前謝恩勅

五鳳樓前非舉子謝恩之所令於朝堂謝訖即赴國學試日宜令御史臺差入院司聽察放榜日至晚出院此後永為定制餘並依奏

冊府六百四十二

官限准長定格勅

少尹上佐以二十五月為限其府縣官宜准長定格

以三十月為限

冊府六百三十三

其給以奏謝

吏部南曹曉諭選人勅

宜依吏部南曹具此分明曉告及徧下諸道州府應

是選人各令知委如守官滿日未給得解由厯子等
文書隨處不得便令辭謝如逐州府輒有邀難不便
出給罪在本判官并錄事參軍

同上

至

馬步判官不得差攝勅

官出

諸道馬步判官不得差攝官如交闕人須於前資正
官判司簿尉中選性行平允者補授

同

恩

凡有除移人到交割勅

同

今後凡有除移准宣詔遣差外其餘須候人到彼點
檢交割軍州公事了日即可發離本處仍令逐道觀
察使散管內諸州准此

五代會要
二十四

卷九

七

得替防禦等使立班勅

諸道得替防禦團練等使及刺史到京朝見後並宜
班行此擬如未有員闕令隨常參官逐立班

五代會
要六

官告綾紙價錢並與官破勅

其自陳狀乞除官者所賜告身並係特恩雖舊例令
本官自出價錢慮不迫者稍難送納兼知本司人吏
以此爲名接便更致邀頡於官估綾羅紙價外廣索
價數力及者隨時應副闕乏者須至淹延今後應是
官告除准宣官破外其過狀乞除官并追封追贈敘
封進封官告及舉人冬集綾羅紙襍軸錦袋等宜令

並與官破仍勒各隨色樣尺寸如法裝修疾速書寫

印署進納

冊府六百三十二

放免諸州苗畝所徵麴錢勅

所禮所重麴麩是先頃緣賣價太高禁條頗峻士庶凶斯而抵犯刑名由是以滋彰爰行改革之文庶息繁苛之政各隨苗畝量定稅錢訪聞數年已來雖犯法者稀而傷民則甚蓋以亂離日久貧下戶多纔過昇平且勤稼畝各務耕田鑿井孰能枕麴藉糟既隨例以均攤遂抱虛而輸納減成凋弊深可憫傷况欲致豐財必除時病有利之事方切施行無名之求尤

卷九

三

宜廢罷但得日新之理何辭夕改之嫌應三京諸道州府苗畝上所徵麴錢等便從今年夏並放其麴官中自造委逐州減舊價一半於在城撲斷負責除在城居人不得私造外鄉村人戶或要供家一任私造

冊府五百四

州府苗畝所徵麴錢

依則例受納勅

天下州府受納程草每束納一文足陌每一百束納切子四莖充積草供使棘針一莖充稔場院其草并紫蒿一束只納束其紬絹絕布綾羅每疋納錢一十文足陌絲綿紬線麻布等每一十兩納耗半兩麻鞋

每量納錢一文足陌見錢每貫納錢七文足陌省庫
受納諸處上供錢物元條流見錢每貫納錢二文足
陌絲綿紬線子每一百兩納耗一兩其諸色足段並
无加耗此後並須依上件則例受納

冊府四百
八十八

今後諸州府所納稈草每二十束別納加耗一束充
場司耗折其每束上舊納盤纏錢一文仰官典同共
擊署一一分明上厯至納遣了絕已來公使不得輒
將出分張外破

同

戒封贈停滯勅

卷九

十四

宜令所司報在朝文武官員及諸道州府當制內有
未霑恩命者令供申文狀到者旋卽施行不得停滯
冊府四百
七十五

改宏文館名勅

三館重事厯代通呼只自先朝偶更舊制因近臣之
避忌易大國之規模今屬惟新理宜仍舊其崇文館
宜改爲宏文館

冊府

放免河東等處兩稅勅

振武新州河東西北邊經契丹蹂踐處放免三年兩
稅差配

冊府

諸商稅委逐處州府撲斷勅

應三京諸道州府商稅等多不係屬州府皆是有司
差置場官朕自受命開基勵精布政將推誠而感物
每屈己以從人况於列侯尤所注意豈可山河重寄
並在藩方關市徵租獨歸省務加以所置職掌素處
幽微向闔闔以肆威與王公而抗禮蓋已往從權之
事豈將來經久之規特議改更貴除繁屑自今已後
諸商稅並委逐處州府撲斷依省司常年定額勾當
辦集冀除生事之端不失豐財之理

答雍王重美勅

冊府五
百四

卷九

五

重美學洞儒元官居尹正因三教之議論希千春之
渥恩特立條流以防濫進宜從

禁鐵錫錢勅

先條流三京諸道州府不得於市使錢內夾帶鐵錫
錢雖已約束仍聞公然行使自此有人于錢陌中捉
搦一文至兩文所使錢不計多少納官所犯人准條
流科罪

冊府五
百一十八

又勅

諸道州府累降勅命不得使鐵鐵錢如有違勅行使
者所使之錢不計多少並沒納入官所犯人具姓名

以聞近日依前有無良之輩所使錢內夾帶鐵鐵錢
須議卽行止絕宜令諸道州府嚴切條理密差人常
于街坊察訪如有衷私鑄瀉及將銅錢銷鑄別造物
色捉獲勘究不虛並准前勅處分

同上

給王起料錢勅

仙韶院樂官每月料錢數內減三百千轉給翰林侍
講太子少師王起

停四孟月旦起居表勅

三京諸道節度團練使防禦使勅使文武將吏州縣
職員皆進月旦起居表其四孟月旦並可止絕

五代會要

卷九

六

秦王從榮班在宰相上勅

天下兵馬大元帥秦王從榮位隆將相望重磐維委
任既崇等威合異班位宜在宰相之上

五代會要六

停轉對勅

今後宰臣文武百官每五日內殿起居仍舊其輪次
轉對宜停若有所見許非時上表其朔望入閣待制

候對一依舊規

五代會要五

諸州等慶賀表本道封進勅

今後天下諸州刺史及係屬節鎮團練防禦使除應

聖節冬至端午外謝上及每月起居慶賀章表並付
本道封進其餘公事准往例節度觀察使騰覆奏聞
五代會要四

大常禮院例凡贖匹帛言段不言端疋每二丈爲段

四丈爲疋五丈爲端近日三司支遣每段全支端匹
此後凡支贖贈匹帛祇言合支多少段庫司臨時併
蹙丈尺給付不得剩有支破

五代會要八

應條流寺院僧尼勅

應條流三京諸道州府縣鎮寺院僧尼事一訪聞近

卷九

七

日僧尼等或因援請託以便參尋既往來以爲常致
奸訛之有倖自此後如有官中齋會行香顯有告援
及大段齋供請命卽行依時赴會除此外不計齋前
齋後僧尼不得輒有相過如敢故違仰逐處坊界所
由及巡司節級晝時擒捉並准姦非例處斷其所犯
人衣物資財便充捉事人優賞如有人詰告不虛准
此酬賞一此後如有修補寺宇功德要開講求化須
至斷屠之月卽得於大寺院開啟仍許每寺只開一
坐兼不得僧於尼寺內開講尼亦不得將功德事請
僧於諸寺開講如敢故違法師兼功德主僧徒三年

尼並逐出城其坊界及諸營士女不因三場齋月開講亦不得過僧舍如公然通同許捉獲所犯人並加極法今後僧不因道場及齋會不得公然於俗舍安下住止如違准上科斷一訪聞僧尼寺院多有故違條法衷私度人此後有志願出家准舊例經官陳狀比試所念經文則容剃削仍不因官壇不得私受戒法如違所犯僧及本師等各徒三年配於重處色役如是尼女及年老放杖只勒還俗若有童子出家亦須顯有分據一訪聞近日有矯偽之徒依憑佛教誑誘人情或傷割形骸或負擔鉗索或書經於都肆或

卷九

六

賣藥於街衢悉是乖訛須行斷絕此後如有此色之人並委所在街坊巡司糾察准上決配一此後應是僧尼不計高低於街衢逢見呵殿官寮並須迴避如有故意違犯者便可收送法司若在身有章服師號者便委長吏舉奏當行剝奪如無章服者仰所在擯逐出城若有房院便許別人請射一州城之內村落之中或有多慕邪宗妄稱聖教或僧尼不辨或男女混居合黨連羣夜聚明散託宣傳於法會潛縱恣於淫風若不祛除實爲弊惡此後委所在州府縣鎮及地界所由巡司節級嚴加懲刺有此色人便仰收捉

勘尋關連徒黨並決重杖處死右宜徧降勅三京諸道州府長吏分明曉示逐處管界各令遵守

五代會要十一

中書先條奏州縣令錄正衙謝後合趨內殿謝辭者

如令錄是除授宜令給事中引對如是指授者准舊例委三銓尚書侍郎各自引對仍須前一日閣門進

狀

五代會要十九

百官五日起居勅

今後宰臣文武百官除常朝外每五日一度入內起居其中書非時有急切公事請開延英不在此限

五代

卷九

九

會要

改衛軍指揮勅

勅衛軍神威雄威及魏府廣捷以下指揮宜改爲左右羽林置四十指揮每十指揮立爲一軍每一軍置

都指揮使一人兼分爲左右廂

五代會要十二

今後吏部所應宏詞拔萃並宜權罷其貢院據見應

進士九經並五科童子外諸色科名亦宜停罷

會要十二

賜聞喜宴錢勅

新進士及第有聞喜宴今後逐年賜錢四百貫

同上

禁鑄私錢勅

先令天下州府公私鑄錢近聞以鉛錫相參缺薄小弱有違條制不可久行今後祇官鑄錢私下禁依舊

法

同上今準夏苗委人戶自便得年報具與州縣少正

批答中書門下奏勅

宜便行曉告如原舊破損銅器及碎銅卽許鑄造器物如生銅器物每斤價定二百熟銅器物每斤四百如違省價買賣之人依盜鑄錢律文科斷

同上

居喪終制勅

要入

朝臣居喪終制委御史臺具姓名申奏諸道賓從除

卷九

二

喪後合宣行恩命州縣官纔授新命及到任一考前

丁憂者服闋日除官

五代會要八

劉英甫請以講義便代帖經既能鼓篋而前必有撞

鐘之應宜令禮部貢院考試

五代會要二十三

夏苗人戶供手狀勅

百姓今年夏苗委人戶自通供手狀具頃畝多少五家爲保委無隱漏攢連狀本州具狀送省州縣不得送差人檢括如人戶隱欺許令陳告真田倍令并徵

五代會要二十五

唐文拾遺卷之十

榮祿大夫三品頂戴前分巡廣東高廉道加四級臣陸心源輯

明宗二

御史等官免朝不得私行人事勅

御史臺刑部大理寺官員遇有公事推勘詳斷時宜

與免朝參兼不得私行人事若無公事即依尋常赴

朝五代會要六

州府不得奏薦將校勅

諸道州府不得奏薦將校職員乞行恩命如顯有功

効即列奏以聞五代會要二十四

卷十

給趙誣等十人公憑勅

吏部南曹奏前齊州臨邑縣令趙誣等十人納到歷

任文書合給公憑者其公憑仰所司以綾紙脩寫取

本行尚書侍郎列署已出給者候將來赴選依此重

給五代會要二十一

三司斷案免朝勅

刑部大理寺御史臺三司官每推斷案牘時特與免

朝恐滯推覆法官推覆時不得私行人事公事畢日

朝參如常五代會要十六

州縣考滿追還本司勅

應諸司職掌人吏前後選授州縣官考滿日委本處
申奏各追還司職依舊執行公事五代會要十七

朝臣奏對宣付史館勅

朝臣起居入閣奏對公事覆奏後宣付史館宜依其
時政記起居注候別勅處分五代會要十八

刺史案牘須申廉使勅

刺史既爲屬部安可自專案牘既成須申廉使餘依
所奏五代會要十九

初除官不得侵正員勅

今後諸司初除官勒留職人吏等並於省員州縣判

卷十

二

司簿尉內除授免侵使見親公事正員及不支料錢

五代會要十七

廢租庸院勅

停廢租庸院名額依舊爲鹽鐵戶部度支三司委宰
臣一人專判仍廢租庸院大程官及放猪羊柴炭戶
其括田竿尺一依僞梁制度仍委節度使通行三司
不得更差使檢括州使公廩錢先被租庸管係者一
切卻還州府五代會要二十四

三銓公事封送禮部勅

三銓公事宜准近勅指揮仍祇使吏部尚書銓印並

宜付中書門下封送禮部權收管訖奏

五代會要
二十二

去年相次有諸道前資掌書記已下賓從道京求官人數極多或自述行止或得替節度使論薦兼有已於郊天行事者卽日朝班中無員闕安排前件官等皆隨府罷職相次到京當奏辟之時慎選盡由門館及替閑之後安排須告朝廷若不特議區分反恐久令淹滯宜令于諸道掌書記已下據有員闕處各除授一員仍自此凡是朝官及諸州府判官得替壹周年後得求官擢才特勅不在此限

五代會要
二十五

卷十

三

逃戶屋物不得毀伐勅

應諸處凡有今年爲經水澇逃戶莊園屋舍桑棗果物已上並可指揮州縣散下鄉村委逐村節級鄰保人分明文簿各管見在不得輒令毀折房舍展伐樹木及散失動使什管物候本戶歸業日卻依元數責令交付訖具無欠少罪結狀申本州縣如元數內稱有事欠少許歸業戶陳狀訴論所犯節級并鄉鄰保人等並科違勅之罪仍勅備償或至來年春入務後有逃戶未歸者其桑土卽許鄰保人請佃供輸租稅種後本主歸來亦准上指揮至秋收後還之

五代會
要二十一

五 平黃閭文榮舉人黜送吏部關防試題報首賦

京城菜園許人收買勅

京城坊市人戶菜園許人收買切慮本主占佃年多
以鬻蔬爲業固多貧窶豈辦蓋造恐資豪猾轉傷貧
民若是有力人戶及形勢職掌曹司等已有居地外
於別處及連宅買菜園令人主把或典賃于人並准
前勅價例如貧窮之人買得菜園自賣菜供衣食者
卽等第特添價值仍賣者不得多恡田土買者不得
廣占田地各量事力須議修營五代會要士科曰
進士選數年滿于都堂試詩賦勅五代會要士科曰

卷十

近年文士輕視格條就試時疎於帖經登第後恥於
赴選宜絕躁求之路別開獎勸之門其進士科已及
第者計選數年滿日許令就中書陳狀於都堂前各
試本業詩賦判文等其中才藝灼然可取者便與除
官如或事業未甚精者自許准添選五代會要進士

武成王廟四壁陳祭物勅五代會要武成王廟四壁

武成王廟四壁英賢自此每至釋奠准郊祀錄各陳
脯醢諸物以祭五代會要人郊買殿獻本主古冊

舉人試判不得祇書未詳勅

每年訪聞及第舉人牒送吏部關試判題雖有判語

全無所見各書未詳仍或正身不至如斯乖謬須議
去除此後應開送舉人委南曹官准格考試如是進
士并經學及第人曾親筆視其判語卽須緝搆文章
辨明治道如是無文章許直書其事不得祇書未詳
如關試時正身不到又無請假字卽牒貢院申奏停

落

五代會要

二十二

禁斷在京市肆牙人勅宗廟不樂之氣幸臣

在京市肆凡是絲絹斛斗柴炭一物已上皆有牙人
百姓將到物貨賣致時物騰貴百姓困窮今後宜令
河南府一切禁斷如是產業人口畜乘須憑牙保此

外人不得輒置仍委兩軍巡使覺察切加捉獲如違

並當嚴斷

五代會要

二十六

國忌設僧道齋勅

尙書兵部郎中蕭愿奏每遇宗廟不樂之辰宰臣到
寺百官立班是日降使賜香准案禁樂斷屠宰止刑
罰者帝忌后忌之辰舊制皆有齋會蓋申追遠以表
奉先多難已來此事久廢今後每遇天忌宜設僧道
齋一百人列聖忌日齋僧道五十人忌日既不視朝
固難舉樂所奏止刑罰斷屠宰宜依兼河南府向來
送酒行香宰臣自此止絕天下州府至國忌日並令

不舉樂止刑罰斷屠宰餘且依舊五代會要四

諸州賓從奏具姓名勅

諸州侯伯所請賓從及主事元隨並令奏其名姓或

參佐道虧各令加罪五代會要二十四

後唐閔帝

事蹟詳全唐文三百十三

州縣斂民加等論勅

刺史縣令丞尉得替自今後如是見任官將已分錢

物資送得替人即勿論其或率斂吏民以受所監臨

財物論加一等如以威刑率斂以枉法論其去任受

卷十 六

財人減二等五代會要十九

處分賣官買官人物

如有賣官買官人等並准長興四年三月二十七日

斷魏欽緒犯買官罪決重杖一頓處死勅處分其假

官及冒名接腳等並准律文及天成元年九月十六

日指揮五代會要十七

籍沒田宅禁請射勅

諸州府籍沒田宅並屬戶部除賜功臣外禁請射五代

會要十五

節度等使官告不得漏泄勅

節度防禦團練使刺史行軍副使等事關急切除授
官告著待畫下給卽留滯勒樞密院凡經由處不得

漏泄冊府六百三十三

如後唐末帝更五五更冬官者並於並時時更查
事蹟詳全唐文一百十三元階一西其為入五

禮制答太常禮院勅長禮部司馬禮部司馬禮部司馬
祀事在質明前儀仗在日出後事不相干宜依常年

受朝五代會要五

諸道州府縣鎮賓佐至錄事參軍都押衙教練使已

卷十

上各留馬一匹乘騎及鄉村主庶有馬者無問形勢
馬不以牝牡盡皆抄借但勝衣甲並仰印記差人管
押送納其小弱病患者印退字本道收管節度防禦
團練等使刺史除自己馬外不得因便影占管軍都
將除出軍及隨駕外見逐處屯駐者都指揮使舊有
馬許留五匹小指揮使兩匹都頭一匹其餘凡五匹
取兩疋十匹取五疋更多有者並依此例抽取在京
文武百官主軍將校內諸司使已下隨駕職員舊有
馬者任令隨意進納不得影占人私馬各下諸道准

此五代會要十二

百官充使依例輪差勅

凡關差使須示均平今後文武百官充使者宜令依例輪差中書置簿不得重疊其內降宣諭不拘此例

若當使自緣有事或不欲行注簿便當一依長興三年正月後已曾奉使者便著爲首已後差使次第注

之五代會要二十四

舉奏判官勅

判官宜令本州刺史自選擇舉奏且初除本職未得與官或與刺史連任相隨顯有勞能許州刺史以聞量事獎擢仍不得枉有論薦其三月後九人且與施

卷十

又

行五代會要二十五

與晉高祖

事蹟詳全唐文一百十四

獎涇州節度王周詔

王周佐國賢臣殿邦良帥戰伐之功顯著葺綏之政尤彰昨者殄寇常山總戎涇水安邊靜寒克施撫馭之方察俗觀風盡去煩苛之弊備陳條件足驗公清一方既洽於詠謠百姓頓期於蘇息王周宜賜詔獎飾兼頒下諸道仍付所司

冊府六百七十三

案此篇見明鈔本冊府元龜六百七十三卷不著

時代案王周事唐莊宗爲裨校晉天福中厯貝州
涇州節度使去苛虐民皆復歸故有此詔
公私鑄錢條章詔

國家所資泉貨爲重減耗漸虧于日用增加自致于
時康近代已來中原多事銷蠹則甚添鑄無聞爰降
條章俾臻富庶宜令三京鄴都諸道州府曉示無問
公私應有銅者並許鑄錢仍以天福元寶爲文左環
讀之委鹽鐵司鑄樣頒下諸道令每一錢重五銖四
參十錢重一兩或慮諸色人接便將鉛鐵鑄造雜亂
銅錢仍令三京鄴都諸道州府依舊禁斷尙慮逐處

卷十

九

銅數不多宜令諸道應有久廢銅冶處許百姓取便
開鍊永遠爲主官中不取課利其有生熟銅仍許所
在市賣入官或任自鑄錢行用其餘許鑄錢外不得
輒便雜鑄銅器如有違犯者並准三年三月勅條處
分五代會要宜令三京鄴都諸道州府曉示無問

按全文三百十四所收許百姓鑄錢詔計一百五
字與此不同今據會要參冊府元龜一百五補錄
科務耳稱冤罪勅

務耳稱冤人准大中六年十二月十五日勅若有犯
者決杖流配訴雖有理不在申明今後所陳與爲勘

斷務耳之罪准律別科五代會要十

馬承翰所貢封章俾人知禁雖曾條貫恐未周詳宜

依餘准近勅處分仍付所司限以學士承旨若無

承旨判官參選勅旨非欲替重司無以稟命景以

偽清泰二年三月己前諸道州府所差馬步判官有

勤績者宜令並准元勅赴吏部參選不得更經中書

陳狀五代會要十

衙前大將差補都虞候勅具令其日補及

諸道馬步都虞候今後朝廷更不差補委逐州府

衙前大將中選久歷事任曉會刑獄者充仍以三年

為限不得於元隨職員中差補其今日己前見在任

者如無罪犯宜令終其月限候將來得替仰本道於

衙前收管不得赴闕五代會要二十四

改承旨官名勅

承旨者承時君之旨非近侍重臣無以稟命是以大

朝會則以宰臣承旨草詔書則以學士承旨若無區

別何表等威除翰林學士承旨外殿前承旨改為殿

直樞密院承旨改為承宣御史臺三司閤門客省承

旨並令別定其名上

張昭遠班次勅與此不同

新除翰林學士張昭遠早踐綸扉久司史筆曾居憲

府累陟貳卿今既擢在禁林所宜別宣班序其立位

宜次崔悅

五代會要十三

除留守降麻勅後兩宜令天下無問公孫願官

留守之任委寄非輕凡除絲綸宜同將相今後除留

守宜降麻制

五代會要十九

舉人常安公主出降儀勅

納采之時主人再拜使者不答雖開元禮具載其儀

今宜答拜仍令鄭王重賚主其婚中外不賀

五代會要卷二

卷十

十一

今宜處分選舉人文解差謬勅

今後選舉人文解差謬過在發解州府官吏其選人

舉人亦准格處分

五代會要二十二

宜任公私鑄錢勅

先許鑄錢仍每一錢重二銖四參十錢重一兩切慮

逐處缺銅難依先定銖兩宜令天下無問公私應有

銅處有鑄錢者一任取便酌量輕重鑄造因茲不得

入鉛并鐵及缺漏不堪久遠流行仍委鹽鐵使明行

曉示餘准元勅指揮仍付所司

五代會要二十七

按全文一百十六所收與此不同

奏狀須印署勅

應內外諸使諸司及諸州府凡有諸色公事須具奏聞今後不得白狀及劄子記事申覆如事關機密即准元降宣命實封斜角不題事目通下其合申中書及中書勘會公事所申狀亦須是本司及逐處官員印署不得將白狀及記事劄子兼令司局抄劄子申宜令御史臺及宣徽院三司侍衛司諸道州府准此

五代會要二十四

封贈三代不得第降勅

其內外准勅合與三代已下封贈者並以見居官品

卷十

十二

比擬不得第降付中書門下准此及正室不在論請封敘之限應諸色官請與母妻敘封須候官階齊卽得如官及所封官高並許施行

五代會要十四

令鹽鐵使禁銷錢鑄器物勅

朕以歷代鑄錢濟時爲寶久無監物已絕增添邇來趨利之人違法甚重銷鎔不已毀蠹日滋禁制未嚴姦弊莫止旣無添而有損必耗國以困民將治豐財須行峻法宜令鹽鐵使禁止私下打造鑄瀉銅器速具條流事件聞奏

冊府五十一

賜僧法城勅

勅法城卿佛國棟梁僧壇領袖今遣內官賜卿呀金
虛縷沈水香紐列環一枚至可領取清異錄

晉少帝

事蹟詳全唐文一百十八

定親王公主婚禮法物詔

少府監今後凡修制親王婚禮法物并冊文出降公

主九樹華釵箱盃等宜令不得用龍紅條帕

五代會要十六

合進策人定三等詔

應諸色進策人等皆抱才能方來贊獻宜加明試俾

盡臧謀今後應進策中書奏覆勅下委門下省試策

卷十

十三

三道仍定上中下三等如元進策內有施行者其所

試策或上或中者委門下省給與減選或出身優牒

合格選目其試策上者委銓司超一資注擬如試策

或上或中元進策內不曾施行者所試策下元進策

內曾有施行便仰曉示發遣不得再有後進餘准前

後勅處分

五代會要十三

遇大祭祀等不得行極刑勅

四京諸道州府決大辟罪起今後宜令遇大祭祀正

冬寒食立春夏雨雪未晴已上並不得行極刑如有

已斷案可取次日及雨雪定後施行仍付所司

冊府六百

三十

顯陵行事官加階減選勅

工共四十八人代

顯陵行事及耐廟等行事官並宜加兩階減兩選理減外合格日免取文解便與注官過格者降一資為

事勒停者許宜勒停日理本官選數仍與減兩選合

格日免取文解仍注邊遠同類官

冊府六百三十四

下禮部貢院勅

禮部貢院自前考進士皆以三條燭為限并試諸色

舉人等有懷藏書冊不令就試宜並准舊施行

冊府六百

四十

卷十

十四

鄴都諸門賜名勅

鄴都諸門宜賜名額羅城南博門為廣運門觀音門

為金明門橙槽門為清景門寇氏門為永芳門朝城

門為景風門大城南門為昭明門觀音門為廣義門

北河門為靖安門魏縣門為膺福門寇氏門為迎春

門朝城門為興仁門上斗門為延清門下斗門為適

遠門

五代會要十九

招充西京太常寺樂工勅

太常寺見管西京雅樂樂節級樂工共四十人外更添

六十人內三十八人宜抽教坊貼部樂官兼充餘二

十二人宜令本寺招召充填仍令三司定支春冬衣糧月報聞奏其舊管四十人亦量添請

五代會要七

太廟置庫勅

天地宗廟社稷及諸祠事等訪問自前所司承備多不精潔宜令三司預支一年諸司合請祠祭禮料物色等於太廟置庫仍差宗正丞石載仁專主掌監察御史宋彥昇監庫兼使供奉官陳審璘往洛京於太廟內穩便處修葺蓋庫屋五間俟畢日催促所支物色監送入庫交付訖取收領文狀歸闕每有祠祭諸司合請禮料至時委監庫御史宋彥昇宗正丞石載仁

卷十

十五

旋旋給付其大祠中祠兼令監祭使檢點饌造小祠卽令行事官檢點如致慢易本司當准格科罪其祭器未有者修製已有者更仰雅飾

五代會要四

差攝官滿五年授官勅

有司差攝官員今日已前任攝滿五年者宜追驗本司差攝文牒及親公事文書并鄉貫三代點檢者與授初官起今後所司如更有闕須差攝官者可具所

攝鄉貫三代奏聞

五代會要十七

御史不得以小事請假勅

今後諸御史宜令除准式請假外不得以私故小事

請假離京并除奉制命差勘公事及按察外不得以瑣細事差使出外同

令佐招攜戶口加階勅

諸道州府令佐在任招攜戶口比初到任交領數目外如出得百戶以上量添得租稅者縣令加一階主簿減一選出二百戶以上及添得租稅者縣令加兩階主簿減兩選出三百戶以上及添得租稅者縣令加兩階減二選別與轉官主簿加兩階減一選出四百戶至五百戶以及添得租稅者縣令加朝散大夫階趨轉官資罷任後許非時參選仍錄名送中書如

卷十

十六

已授朝散大夫及已出選門者卽別議獎勵主簿加三級其出剩不及一百戶者據戶口及添租稅數縣令加一階參選日起一資注官主簿加一階如是一鄉收到三十戶或五十戶以上一村收到三戶五戶以上及本鄉村節級等與免本戶二年諸雜差使科配如是一鄉收到一百戶以上一村收到十戶以上本鄉村節級等與免本戶三年諸雜差徭如願且充節級所由未得差替如願歸農便與免放仍仰本縣准勅分明給與憑據自災沴已來戶口流散如歸業者切在撫安其浮寄人戶有桑土者仍收爲正戶其

歸業戶天福五年已前逃移者放一年秋夏一半租
稅并放一年雜差遣其勑收戶如先有租稅卽依元
額輸納如元無租稅卽據所營地畝且收半稅并放
二年差徭如鄉村妄規戶及坐家破逃者許人糾告
勘責不虛其本府與鄉村所由各決脊杖八十刺面
配本處牢城執役縣司本典知情並同罪告事人放
三年租稅差徭仍將放免數卻配蓋藏規戶及坐家
破逃戶本鄉所由均分輸納今後天下州縣所收新
添戶口租稅限十二月二十日以前申送戶部點檢
如違限本處判官錄事參軍罰五十直仍削一級孔

卷十

十七

目官勾押人本案人吏杖七十降一資

五代會要二十

漢高祖

事蹟詳全唐文一百二十

省躬罷役詔

卑宮菲食前代之令猷革烏締衣哲后之明德至于
損上益下惜力愛人冀息煩苛漸期富庶所有乘輿
服御後宮費用太官常膳一切減損在京及內諸司
并天下州府除應奉軍期急切外其餘不急之務非
理營造並皆停罷免致勞役

冊府五十六

禁斷契丹裝服勅

近年中華兆人浮薄不依漢禮卻慕胡風果致狂戎來侵諸夏應有契丹樣鞍轡器械服裝等並令逐處

禁斷

冊府一百六十一

文武官父母加恩敘封勅

卷十

六

應內外文武官員有父母見在合得加恩敘封者不在官階品齊但見居官品合與父加恩母敘封進封者便與施行餘准前勅

五代會要十四

停張燦見職勅

三司邦計國法依依張燦體事未明執理乖當宜停見職犯皮者貸命放之

洛陽舊聞記

漢隱帝

事蹟詳全唐文一百二十一

州縣替任敘資規程勅

審官之要必擇才能與理同歸迭處中外約以選限

固有條格邇來或自朝行或從賓職願爲州縣自就
便宜當求事之時冀得而不論卑位及旣替之後敘
資而卻理前官須立規程以絕僥倖

冊府六百
三十四

父在母封議加太字勅

應內外臣寮如父准恩勅合承子蔭加恩者父未曾
有官卽量其致仕官見任亦自該恩赦又難用子蔭
如己去任願授致仕官者亦可施行卽不得就加恩
命其父在母承子蔭敘封追封合加太字與不加雖
有艾穎尹偃近例恐是一時特恩別無勅例宜令尙
書省集議奏聞承爲常式

五代會
要十四

卷十

十九

俸戶不得當直勅

諸道州府令錄判官主簿官令等第支與俸戶逐戶
每月納錢五百與除二稅外免放諸襍差遣不得更
種職田所定俸戶於中等無色役人戶內置不得差
令當直及赴衙參如有闕額及不逮明申州府差填
不得衷私替換若是令錄判司主簿除本分人數外
剩占俸戶及令當直手力更納料錢並許百姓陳告
其陳告人與免戶下諸襍差徭所犯人追毀告身更
加力役如令佐錄事參軍內有員闕州府差攝亦依
例支與俸錢差攝曹官不得一例供破定例如後三

千戶已上縣令逐月一十二千主簿六千二千戶已上至三千戶已下縣令九千主簿五千一千戶已下縣令六千主簿四千錄事參軍判司依本部內戶口最多縣分例支破其錄事參軍依縣令例判司依主簿例

五代會要二十八

批答竇文靖奏朝官便衣徒步勅

宜令御史臺常加察訪具以名聞當行譴逐隱而不
言與之同罪

五代會要十七

諸州公事先申廉使勅

諸防禦團練州申奏公事除朝廷以軍期應副則不

卷十

三

及聞於廉使如尋常公事不得自專須先申本官斟酌以聞今後州府不得違越

五代會要二十四

僞命文書追毀換給勅

應是僞命文書不在施行之限者今有緣晉朝受官契丹年給解由厯子若執格勅又慮有廢身名凡州縣幕府曾受契丹僞命者追毀文書祇取唐晉朝出身文書參選本選外仍殿五選降三資注擬凡唐晉朝諸科及第人於契丹年號內出給文書許追毀換給仍自新給年月日理選

五代會要十七

諸道團集差散從官勅

諸道州府宜差散從官大府五百人下州二百人宜
量戶口多少差團集本處管係立節級點檢教習警
備州城五代會要
二十四

卷十

二十一



唐文拾遺卷之十一

榮祿大夫三品頂戴前分巡廣東高廉道加四級臣陸心源輯

周太祖

事蹟詳全唐文一百二十二

授王溥中書侍郎平章事制

鴻遇順風比事者美賢良之任鵬征積水寓言者伸
遠大之圖位非才而不居才非位而不展兩端相叩
庶績方凝爰升佐命之臣以授調元之職端明殿學
士通議大夫尚書戶部侍郎上柱國太原縣開國男
食邑三百戶賜紫金魚袋王溥智出於眾行高於文

卷十一

一

茂學懿久而策名長才廣度以成器始歸霸府嘗効
折衝洎翊造邦尋參宥密摘禁林之詞翰伸祕殿之
論思履順持謙奉公處正紫宸三接在注意以方深
黃閣九遷諒登庸而允協俾宣相業共贊皇猷食邑
贈封功臣改號仍進階資之貴俱爲輔弼之光爾其
師克儉於焚機繼在公於補袞詭辭而出奉義而行
將聯廣載之歌長保虔恭之位佩服茲訓式昭德音
可金紫光祿大夫中書侍郎平章事

刪府七十四

牛皮人犯重處勅

諸道州府牛皮今後犯一張本犯人徒三年刺配重

處色役本管節級所由杖九十兩張以上本人處死
本管節級所由徒二年半刺配重處色役告事人賞
錢五十千其人戶有牛死者其本戶報告本地方所
由節級鄰保人仰當日內同檢驗過令本主晝時剥
皮及申報本主官吏限十日內須送納畢其筋骨不
得隱落

五代會要
二十五

定銅法勅

銅法今後官中更不禁斷一任興販所有一色卽不
得瀉破爲銅器賣買如有犯者有人札告捉獲所犯
人不計多少斤兩並處死其地分所由節級決脊杖

卷十一

二一

十七放鄰保人決鬻杖十七放其告事者給與賞錢

一百貫文

冊府五
百一

高紹基請捕錄李懷義答勅

李懷義懷貞景韜等並放宜令向訓并諸房骨肉奴
僕津置起離量差兵士叻援並於汝州安置

磨勘州縣前資官勅

朕祇荷上玄恭臨大寶慮一夫之不獲期四海之所
歸近知銓選人多州縣闕少或經年而空淹桂玉未
授一官或欲歸而暗想鄉閭又遙千里以斯去任虛
歷歲時其間或妄乞官者多是踰違自稱淹滯或未

合格者不遵條制顯紊公方宜行釐革之條以絕僥求之路宜令自今月十一日已前州縣前資官及諸色選人等曾經中書陳狀者並送吏部南曹磨勘如今年冬合格無殿犯違礙者卽送中書除官未合格并諸色違礙格勅及曾殿黜得洗雪者並仰各守格勅敘理赴集其漢朝州縣爲徵科不了及擅用破逃戶停官人數並令赴吏部南曹投狀磨勘實是無過停替者本朝解由公憑及牒三司灼然過准格成一考前停官者可送名中書除官一考後兩考前停官者減一選兩考已上者上理本官選數並取解赴集

卷十一

三

起今後應有前資州縣官并諸色選人等及曾經黜該恩得雪者並仰各守勅格赴選不得妄有乞官如敢故違宜殿兩選將來降一資注擬如或本司不依格勅妄有滯留罪在所司當行憲典一則俾守規程之道一則稍除躁競之門免恣濫踰貴遵條制如是特恩不拘此例

冊府六百三十四

四廟行事官除官勅

追尊四廟諸司寺監合差行事官宜令差補漢末七州停替州縣官充候行事了各與除官如行事官人數未足以前資州縣官已合格并過選者充仍磨勘

官牒委無違礙方得差補同上

追毀出身勅

今年正月五日恩赦前應諸色官員有過犯合追毀出身歷任官牒至今尙未追毀其本官敘理仍各依格勅處分同上

西京冊廟行事人減選勅

應京都司職掌赴西京冊廟行事八十有六人宜令吏部南曹引驗出身歷任行事無遺闕歷子委無違礙與各減一選如有今年冬初合格又已過選者銓司注官日與加一階其不該選數已經補奏者減一

卷十一

四

年勞同上

條件諸色出選門州縣勅

近日多有諸色出選門州縣官累經中書陳狀援引從前勅文乞除官事中書先准乾祐二年二月十日勅文以此難議施行今將已前勅文詳酌可否特與條貫庶無淹滯應前後出選門州縣官內有十六考敘朝散大夫階次赤令并歷任中曾昇朝及兩使判官五府少尹罷任後一周年除官曾任兩蕃營田判官書記支使防禦團練判官罷任後二周年與除官並許經中書陳狀點檢不欠年限當與施行選期既

近不得依常選人例更理減選仍須分明批書厯子請給解由若是逃失戶口降書考第及顯有過犯必行殿降應諸色選人過犯三選已上及未成資考丁憂課績官無選可減者宜令自於吏部南曹投狀准格勅磨勘無違礙申送中書門下並與除官其州縣官自恐虧損年限資序歸選門者亦聽自便如或曾任推巡軍事判官等並諸色出選門官並據見任官選數敘理取解赴集依格勅磨勘送名中書門下於銓司注擬前先次除官所有諸色常選人皆自有選限合赴常調今後不得妄有陳乞及不依格勅論理

卷十一

五

功課如違當行舉勘若是特恩除授及擢才委任不拘此例

同上

磨勘郊禮行事官勅

郊禮行事官並差在京求仕者充各據出身厯任子細磨勘委無違礙方得差補如曾有殿犯除名免官勒停等人未經恩洗雪者不在收補之限若已取解及免取解赴選在外未來者不得着人承替如收補行事後將來赴選南曹磨勘別有違礙所補官司與本人並當勘斷

同上

令李仲玉祀唐陵廟勅

唐明宗五廟在至德宮安置其徽陵上下宮所管土田舍宇宜令新除右監門衛將軍李仲玉爲主其徽陵下宮及至德宮緣廟合留物外宜令內養劉延韜於金銀器物數內量事給李仲玉遷葬故淑妃王氏及許王外餘並付李仲玉并尼惠能惠登惠嚴令仲玉以時祀陵廟切在豐潔

冊府一百七十四

處分供申考簿違限勅

勅起今後諸州府更有供申考簿違格限申到者本判官并錄事參軍各罰五十直其錄事參軍仍殿一選本勾押官典委本州各行科斷如違程限一月已

卷十一

六

上不申到者仍令尙書考功催促候供申到考帳依例施行所有科罰准前處分若是校考過卽時與次年依格奏校

五代會要十五

又勅

鳳翔考帳違限本府各以科懲其考帳省司特與考校起今後諸州府更有違限者本判官錄事參軍各罰五十直錄事參軍殿中典押本處科斷具仍令省司依時催促若校考過時卽與次年校奏並依前後格勅指揮

冊府六百三十六

又勅

州縣官或特勅除授或非時有故停任員闕除官到任者緣赴任不拘期限申發考帳之時但滿一周年便與依例書校一考申省如書校時少欠月日卽與次年付帳申校不得漏落考第姓名如或有違罪本道書考官吏同上

命開封府處死妖妄人勅

勅趙應智欽陳光齊三人處死連坐郭延貴等十七人並決配蔡河務收管冊府

勝諭宋州勅

勅勝宋州曉諭管內諸縣民等省前節度使常思所

卷十一

七

進絲四萬一千四百七兩言放出在民例以五月內徵納其絲並還元契除已納到者委巡檢使柴進據數追戶責領歸還勝到速告報知悉冊府一百六十一

檢勘受官不赴謝人勅

起今後更有受官不赴衙謝人宜令門下省御史臺檢舉追勘聞奏其授官後違程不赴任並准元勅殿選如選未滿便來乞官者除外別行降勅五代會要六

諸道奏薦僧尼道士人數勅

永壽節每年諸道節度防禦團練使刺史奏薦僧尼道士紫衣師號今後見任帶使相共奏二人見任防

禦團練刺史只許奏一人在朝文武臣寮及前任官
今後更不得奏薦

五代會要十一

減損永壽節臣寮設齋供勅

內外文武臣寮遇永壽節辰皆於寺觀起置道場便
爲齋供訪聞皆是醮金所宜減損以足公私今後中
書門下與文武百官等共設一齋樞密使與內諸司
使副等共設一齋侍衛親軍馬步軍督指揮使已下
共設一齋其餘前任官員及諸司職掌並不得更開
置道場及設齋

五代會要五

朗州升大都督府勅

卷十一

八

頃者淮海陸梁舉干戈而入寇湖湘覆沒致黎庶之
倒懸惟彼武陵素稱雄鎮連營比屋皆懷勇烈之心
戮力協謀盡復江山之境宜降褒崇之命以升忠義
之邦俾列大藩永率南夏其朗州宜升爲大都督府
在潭桂之上

五代會要十九

遣曹匪躬點檢佃租勅

京兆府耀州庄宅三白渠使所管庄宅並屬州縣其
本務職員節級一切停廢除見管水磴及州縣鎮郭
下庄宅外應有係官桑土屋宇園林車牛動用並賜
見佃人充永業如已有庄田自來被本務或形勢影

占令出課利者並勒見個人爲主依例納租條理未盡處委三司區分仍遣刑部員外郎曹匪躬專往點檢割屬州縣冊府四百九十五

遣趙元休相度租賦勅

廢衛州共城縣稻田務並歸州縣任人佃蒔宜令戶部郎中趙元休往彼相度利害及所定租賦聞奏上同

升朝官賜緋勅節文

今後升朝官四品以上著綠十五周年者與賜緋凡州縣官歷任內曾經五度參選者雖未及十六考與授朝散大夫階年七十已上合授優散官者並賜緋

卷十一

九

非時特恩不拘此例五代會要六

寺監官滿七年同明經出身勅

其諸寺監官任滿七周年已上應奉公事無遺闕文書灼然者並與同明經出身如不滿七周年者任逐穩便今後寺監不得以白身署攝如違本司官吏並

行朝典五代會要十七

賜鄭仁誨手勅

按見舊五代史周書德如董氏傳與全文一

百二梁祖勅同今存其目文不錄

周世宗

事蹟詳全唐文一百二十五

公私織造須合制度制

化民成俗須務真純蠹物害能莫先浮僞織紉杼軸之製素有規程裨販貿易之徒不許違越久無條理漸致澆訛苟所鬻之或精則酬直之必重宜從樸厚用革輕浮應天下今後公私織造到絹帛綢布綾羅錦綺及諸色疋段其幅尺斤兩並須合向來制度不得輕弱假僞罔冒取價知有已上物色等限一百日內並須破貨了絕如限外敢有違犯織造貨賣者仰所在級節所由擒捉送官

冊府五
百四

卷十一

十

不得奏薦判官詔

兩京諸道州府留守判官兩使判官少尹防禦團練軍事判官今後並不得奏薦如隨郡已歷前件官職任者不在此限其防禦團練刺史州各置推官一員

五代會要
二十五

停罷官麴許人戶自造詔

諸道州府麴務今後一依往例官中禁法賣麴逐處先置都務候勅到日並仰停罷據見在麴數依時踏造候人戶將價錢據數給麴不得賒賣抑配與人應鄉村人戶今後並許自造米醋及買糟造醋供食仍

許於本州縣界就精美處酤賣其酒麴條法依舊施

行冊府五
百四

收壽州戰骨并優給陣歿將士家物詔

自攻討壽州已來應有將士歿於王事者宜差殿直

劉漢卿於壽州四面收斂其屍以官物祭奠本家仍

與優給有男者量與敘用冊府一百
三十五

選大戶爲耆長詔

諸道州府令團併鄉村大率以百戶爲一團選三大

戶爲耆長凡民家之姦盜者三大戶察之民田之有

耗登者三大戶均之仍每及三載卽一如是五代會
要二十

卷十一

十一

五

命在朝文官再舉幕職詔

在朝文資官各令再舉堪爲幕職令錄者一人所舉

幕職州縣官罷任後便與除官仍並許赴闕五代會
要四

織造絹布不得夾帶粉藥勅

舊制織絕絹布綾羅錦綺紗縠等幅闊二尺起來年

後公私織造並須及二尺五分不得夾帶粉藥宜令

諸道州府嚴切指揮來年所納官絹每疋須及一十

二兩河北諸州並萊登沂密州須及一十二兩絕綉

正要夾密停勻不定斤兩絕綉絹長依舊四十二尺

供給無家罪人水米勅

應諸道見禁罪人無家人供備喫食者每人逐日破官米二升不得信任獄子節級減稍罪人口食仍令不住供給水漿掃洒獄內每五日一度洗刷枷杻如有病疾者畫時差人看承醫療同上

杖鬻不過十五勅

州縣自官已下因公事行責情杖量情狀輕重用不得過鬻十五杖因責情杖致死者具事由聞奏同上

行盜三犯決殺勅

諸盜經斷後仍便行盜前後三犯並曾經官司推問伏罪不問赦前後贓多少並取決殺同上

逃戶莊田許人請射勅

應自前及今後有逃戶莊田許人請射承佃供納租稅如三周年後本戶來歸業者其桑土不以荒熟并莊田交還一分應已上承佃戶如是自出力別蓋造到屋舍及栽種到樹木園圃並不在交還之限如五周年外歸業者莊田除本戶墳塋外不在交付如有荒廢桑土承佃戶自來無力佃蒔祇仰交割與歸業人戶佃蒔一近北諸州自契丹離亂鄉村人戶多破

番軍打虜向北近來多有百姓自番界回來其莊田已被別戶請射無處歸託今後如有五周年內其本主還來識認不以桑土荒熟并莊園三分中交還二分十周年內來者交還一半十五年內來者三分中交還一分上項承佃戶如自出力別蓋造到屋舍及栽種到樹木園圃並不在給還之限如十五周年外歸業者其莊田除本戶墳塋外不在給還如有荒廢桑土承佃戶自來無力佃蒔祇仰交割與歸業人戶佃蒔一應有坐家破逃人戶其戶下物業並許別戶陳告請射承佃供納租稅充爲永業不限年載不在

卷十一

十三

論認之限所有本戶及鄉村節級重行斷決一諸州應有冒佃逃戶物業不納租稅者其本戶歸業之時不計年限並許論認仰本縣立差人檢勘交割與本戶爲主如本戶不來歸業亦許別戶請射爲主所有冒佃人戶及本縣節級重行科斷如冒佃人戶自來陳首承認租稅者特與免罪一顯德二年正月二十五日已前應有逃戶拋下莊田自來全段無人承佃曾經省司指揮開闢租稅者宜令本州縣招攜人戶歸業及許別戶請射爲主與免一年差科色役至第二年已後據見在桑土及租到見苗詣實供通輸納

租稅

五代會要二十五

解送監生須是監中受業勅

國子監所解送廣順三年已前監生人數宜令禮部貢院收納文解其今年內新收補監生並仰落下今後須是監中受業方得准令式收補解送近年有諸州府不得解舉人卽投監請補

五代會要十六

未朝謝御史不得受供給勅

起今後應有自外新除御史未經朝謝者經過州府不得受館驛供給及所在公禮

五代會要十七

秋夏徵了追攝公事勅

卷十一

十四

諸道州府所管屬縣每年秋夏徵科了畢後多是卻去縣典上州會口文鈔因茲科配斂掠宜令今後秋夏徵科了足日仰本州府但取倉場庫務納欠文鈔如無異同不在更追官典諸道州府管內縣鎮每有追攝公事自前多差衙前使院職員及散從步奏官今後如是常程追攝公事祇令府道承受遞送不得更差專人若要切公事及軍期不在此限

五代會要二十五

與販牛畜抽稅勅

諸道州府應有商賈興販牛畜不計黃水牛凡經過處不得抽稅如是貨賣處祇仰據賣價每一千抽稅

錢二十不得別有邀難上

毀廢妖妄占卜書勅

應諸色陰陽占卜書宜令司天臺翰林院集官詳定其書如是曾經前代聖賢行用合正道者只可存留其有淺近妖妄不依典據者並可毀廢

五代會要十一

省廢兩京五府諸州曹官勅

兩京五府少尹司錄參軍先各置兩員今後各置一員六曹判司內只置戶曹法曹各一員其餘曹官及諸州觀察使兩藩判官並宜省廢

五代會要二十

命再舉令錄勅

卷十一

十五

應在朝文資官各令再舉一人堪充令錄及兩使防禦團練軍事判官者自前或因公過微有殿犯者亦許稱舉餘准顯德二年正月二十一日御札處分

五代會要

諸道俸料不得分配人戶勅

應諸道州府進奉逐月合請俸料及紙筆等錢宜令今後于本州公使錢內支給不得分配人戶及州縣門戶如本州公使錢少不便支給處祇不要置進奏官仰於衙前差有名糧職員充進奏聞院副知仍一周年替罷本州優與安排

五代會要二十四

差人收拏盜賊逃軍亡命人勅

應諸司賊盜宜委本府州節度防禦團練等使刺史專切斷除其部內凡有賊盜及逃走軍健諸色亡命之人並須覺察設計差人收拏不計遠近以獲爲限應有婚姻鬪競賊盜公事仰逐日長吏躬親鞫問仍令本判官不住提舉疾速區分庶俟勅命凡自大辟罪斷訖其公案申奏今後仰抄錄要當事節兼於前面朱書罪人入禁至斷了日數間奏

五代會要十

任鄉村煎鹽勅

漳河已北州府管界元是官場糶鹽今後除城郭草

卷十一

十六

市內仍舊禁法其鄉村並不有鹽貨通商逐處有鹹鹵之地一任人戶煎煉興販但不得踰越漳河入不通商界

五代會要二十六

南唐先主李昇

事蹟詳全唐文一百二十八

宋王妃改氏南平制

南平王國之元老婚不可離信王妃可改氏南平

馬令

南唐書

却符瑞詔

謹告在天聰明自民魯以麟削莽以符亡當謹天戒

猶懼或失之符瑞何爲哉皆抑而勿揚

勿議討伐詔

知足不辱道祖之至誠革廓則裂前哲之元龜子嘉
與一二卿士大夫共服斯箴討伐之議願勿復關白

也鈞磯立談

與太子詔

守廉退之風師忠貞之節有子如此朕復何憂陸游南唐書

書

賜宋齊邱書

朕之性子嵩所知少相親老相怨可乎同上

卷十一

七

上晉高祖書

邊校貪功乘便據壘矧機宜之執在顧茫昧以難申
否藏皆凶乃大易之明義進取不正亦聖人之厚顏
適屬暑雨稍頻江波甚漲指揮未到事實已違今者
猥沐眷慈曲形宸旨歸其俘虜示以英仁其如軍法
朝章彼此不可揚名建德曲直相懸雖認好生匪敢
聞命杜光鄴等五百七人已令却過淮影宋抄冊府二百三十三

南唐嗣主李璟

事蹟詳全唐文一百二十八

賜陳況手札

欲以綾綺賜卿卿必不受今賜朕自服紬練衣三十事卿其領之

南唐書

賜周繼諸金鋤手札

是朕苑中自種藥者今以賜卿表卿高尚之節

江南餘載

答喻儼等手札

昊天不弔降此鞠凶越予小心常恐弗類于厥德用災于厥躬故退處恭默思底于道而壅隔之蔽以為卿憂惟予小子實生厲階

馬令書

讓太子表

卷十一

六

古之立太子者所以崇正嫡息覬覦如臣兄弟稟承聖教實為敦睦願寢此禮

同上

賜宋齊邱書

明日之行昔時相許朕實知公故不奪公志

湘山野錄

南唐後主李煜

事蹟詳全唐文一百二十八

遣吳越王書

今日無我明日豈有君一旦明天子易地賞功王亦

大梁一布衣耳

南唐書

答張泌諫書手批

古人讀書不止爲詞賦口舌也委質事人忠言無隱斯可謂不辱士子矣朕纂承之始德政未敷哀毀之中知慮荒亂深虞布政設教不足仰付民望卿居下位首進讜謀十事煥美可舉而行朕必善初而思終卿無今直而後佞其中事件亦有已于赦書處分者

二十八日

江表志

批韓熙載奏

言僞而辨古人惡之熙載俸有常秩錫賚尙優而謂

書述

卷十一

十九

壯歲書亦壯猶嫖姚十八從軍初擁千騎憑陵沙漠而目無全虜又如夏雲奇峰畏日烈日景縱橫炎炎不可向邇其任勢也如此老來書亦老如諸葛亮董戎朱獻接敵舉板輿自隨以白羽麾軍不見其風骨而毫素相適筆無全鋒噫壯老不同功用則異惟所能者可與言之又云書有八字法謂之撥鐙自衛夫人并鍾王傳授于歐顏褚陸等流于此日然世人罕知其道者孤以幸會得受誨于先王奇哉是書也非天賦其性口受要訣然後研功覃思則不窮其奧妙安得不祕而寶之所謂法者攝壓鈎揭抵拒導送也此

字亦有顏公眞卿墨跡尙存于世余恐將來學者無所聞焉故聊記之撇者撇大指骨上節下端用力欲直如提千鈞厭者捺食指著中節旁鈎者鈎中指著指尖鈎筆令向下揭者揭名指著指爪肉之間揭筆令向上抵者名指揭筆中指抵住拒者中指鈎筆名指拒定導者小指引名指過右送者小指送名指過

左

陳思書苑精華

南漢後主劉鋹

事蹟詳全唐文一百二十九

鏡銘

卷十一

二

仙山並照智水齊名花朝豔采月夜流明龍盤五端鸞舞雙明傳聞仁壽始驗銷兵

嵩洛訪碑日記

吳越武肅王錢鏐

事蹟詳全唐文一百三十

海會寺隋羅尼經幢記

當使早以訓齊兵旅講武家山爲國爲民摧兇弭寇繼平蛇豕以靜江南累蒙七帝酌恩功歸第一以至雙封兩國連統三壇爲明代之父師帥天下之兵柄唯以上尊天地次敬神明興三教之慈宗建六通之法宇乙亥歲暫歸故里遍集勝因以功臣山之奇峰

爰崇禪室觀竹林寺之湫隘重構蓮宮半載之中莊嚴俱畢皆選淨名長老各爲住持冀廣善牙常資妙覺昨以寺院功畢金像周圍特于殿前建立千手千眼大悲眞言經及守護國界主陀羅尼經兩幢充揚勝事所冀珠緘寶偈觀者生緣步影飛塵霑者獲善而以福均土地光蔭鄉園克茲先遠松楸共泰錦城軍俗以增幽顯利等恆沙時寶大元年歲次甲申五月一日天下都元帥吳越國王鏐建

兩浙金石志

開慈雲嶺記

梁單闕之歲興建龍山至涪灘之年開慈雲嶺使建

卷十一

三

西關城宇臺殿水閣今勒貞珉用紀年月甲申歲六

月十五日吳越國王記

石刻

請封鎮東軍神祠奏

鎮東軍神祠頗有靈驗救災祈福人民賴之請賜封

崇冊

祭潮神禱詞

六丁神君玉女陰神從官兵六千萬人鏐以此丹羽之矢射蛟滅怪渴海枯淵干精百鬼勿使妄干唯願

神君佐我助我令我功行早就

吳越備史

報道宏手札二首

十一月三日報道宏法師冬冷想當安適得狀勞以節送軟棗茶麵等已令收領爲愧殊多迴人遣此不具使人委曲付道宏法師

秋冷想當安適得進奏院狀報蒙恩加太師兼九錫

叨功臣名號勞致賀狀迴人遣此不具使人委曲付

道宏法師

嘉興府志

吳越文穆王錢元瓘

事蹟詳全唐文一百三十

建化度禪院寶幢記

夫眞如演化以廣大慈悲濟度沙界其有達微妙之

卷十一

三

音宏勝善之緣盡孝思之心創清淨之業靡不迴慧

炬而照燭乘法力以津梁超彼龍天證菩提之因果

竊以自恭遵詔命虔稟遺言承制兩浙口馭藩閫事

有益於顯晦功有合於禎休皆許口鼎新用光積

慶昨以西與城壘之內曩歲曾別置狴牢雖宰斷至

明固無枉濫而縻繫稍滯或有淪亡念茲綿厯重泉

何由解脫於是變圓扉而崇梵宇開紺殿而立睟容

仍建寶幢鎮茲土地磨礱翠琤刊般若之文輝煥禪

篇集龐洪之福所有前後幽暗魂識一一咸冀往生

然願以此功德資薦皇考武肅王昇七覺之法身耀

于光之瑞相其次保安壘境兵火無虞以子以孫永
永蕃盛長興四年癸巳三月二十六日起復吳越四
面都統鎮海鎮東等軍節度使檢校太師守中書令
錢元瓘記

兩浙金
石志

吳越忠懿王錢俶

事蹟詳全唐文一百三十

報重曜書二首

報雲門山淨名庵長老重曜今差人賫到白乳茶三
十斤稜瓷香爐一隻衙香五斤金花合盛重五十兩
仍支見錢一百千文足陌可親入懺保安遣此示諭

卷十一

三

不具

報越國雲門山淨名庵長老重曜昨據節度使錢儀
申所請爲官中入懺保安事具悉師心鏡絕塵衣珠
無類脩釋氏務三之訓得淨名不二之宗泊挂錫寶
坊棲真玉節節使素欽於景行遠有來聞國家因罄
子精誠遂可其請况奇峰正聳炎景斯煩非坐非行
頗勞精進煩心引領尤愧忠勤今則再賜到乳茶三
十斤乳香三十斤至可領也夏熱想得平安好故茲

諭想宜知之不具

紹興
府志

閩忠懿王王審知

審知字信通光州固始人兄潮爲縣史壽州盜王緒聞潮兄弟材勇召爲軍校後殺緒推潮爲主潮卒審知代立唐拜審知武威節度同平章封琅琊王梁太祖加拜中書令封閩王同光二年卒年六十四謚忠懿子鋒僭帝追謚昭武孝皇帝廟號太祖

請封砧碕里古廟奏

當縣界砧碕里古廟祈禱有靈鄉閭父老皆有陳請望賜封崇冊府

卷十一

五



望顯桂崇... 當縣界砧碕里古廟祈禱有靈鄉閭父老皆有陳請... 望顯桂崇... 當縣界砧碕里古廟祈禱有靈鄉閭父老皆有陳請... 望顯桂崇... 當縣界砧碕里古廟祈禱有靈鄉閭父老皆有陳請...

唐文拾遺卷之十二

榮祿大夫三品頂戴前分巡廣東高廉道加四級臣陸心源輯

越王貞

貞太子始王漢從原已乃封越善騎射涉文史武
后初遷累太子太傅豫州刺史中宗遷房陵與韓王
元嘉等圖反正兵敗仰藥死開元四年復爵諡曰敬
以從孫琳嗣

隨大善知識信行禪師興教之碑

并序

原夫真身設範垂二字以標靈應佛涅槃顯六時以
爲固崛山利見善摧之業斯遠連河緝化隨機之道

卷十二

一

斯異廢興之業亦殊要者連肩雖復堅住之上人解
慧之開士廣演八藏九部之說劇談二空三性之文
曷嘗辯於真僞之宗詎能曉於是非之旨說說法侶
猶苦迷方濟濟覺徒安知最勝遂使魚目研綜珠篋
之奇區別金書之祕標象運之時用揚末法之幽鍵
獨步一人功侔十力惟我大善知識信行禪師矣至
乎氏胄之華熏習之業旣昭著於前碣於此可略而
言焉仰惟禪師識洞初幾照逾機之科對藥病之理
定邪正於波攪決疑似於雷同妙達幾先利生同極
業契初依之躅仁逾後際之用酌金河之茂典解沙

界之深纏起十受於心靈遵三捨於身命惑障攸滅
控冽淨之遙源慧炬弗賞旣免簡擇之尤善人不濫
良無枉罰之酷長蠲七損永謐三災開示之益允宏
對遣之慈彌廣用因收果卽從因以表眞以果攝因
乃緣果而除妄□高慢之見樹增上之地自空靜名
相之驚颯昇河岸於振峭山彼逝魂收名鬼錄起茲
朽幣受氣人靈諒釋門之指南允緇服之共北者矣
雖復孤擅決了之士無窮智慧之賢猶昧開導之規
尙乖勸誘之義遂使鍛冶之子未習數息之因澣濯
豈不然歟欽惟曩俊親承聖範猶致疎謬靡叶深機

卷十二

二

矧乎今士纔傳遺說有迷幽趣實喪菁華蠢蠢四生
常淪苦海茫茫萬彙恆溺愛河殊塗同歸有足悲矣
斯乃前哲失之於旣往惟我禪師得之於韻於旋宮
固守刻舷弃神鋒於水府亦猶析薪求火豈覩炎光
之盛畫瓶緘毒莫飮甘露之津蚊喙之識罕周牛便
之劣滋甚握斯墜葉不悟大力恃此藕絲矜乎小智
者矣若乃三階演癩五位騰惡而成性徇迷惑而爲
習信惡之誠且篤忘善之志亦深紊善惡而罔分雜
正邪而靡悟於是甄明種性之貫式彰顛倒之違雖
則稟命愚癡克邁辟支之軫挺質莫智俄□□御之

乘若夫七處聚義能力未藉於假人等大地之廣持
類元天之遐覆導師諧願代苦之德靡涯正法甚深
善誘之仁多裕四諦無作更明白力之知六住表規
益垂得度之紀信惡迷善之子唯章口善之方信善
忘惡術由祛惑而獲範克紹聲聞之乘能撥亂而致
資因生巨厥躬之樂廣敷無漏之悰肇近諸身之事
遠該成彼之業觀色觀象四部之教不同學上學下
三寶之幾斯異佛法代法之攸聞自驗自知之照理
諒如矇瞽之昧卽從忍受之安修上法而攝挹習善
之業彌優仰信之益日滋隨稅之方月進深符入式

卷十二

三

蹈三義之宗好惡俱聞憂喜不溺於心術信直咸綜
成就克卻於情田受剝剝而猶甘希韞涅槃之趣惠
首目而因恡冀證菩提之緣懼誠岐之難銷禡翼衣
而歸俗襲重想之存慎珍而契冷之節旣調陽缺一

十餘字及毀正之侶繼踵寘於無閒訾聖之徒接在赴

於冥晦祈法雨而滌釁入淨土而投誠求智之美以
隆歎法之深以舉樂嬉遊於火宅未懼一門之隘恣
沈泳於苦海匪憚五欲之災因馭牛以宣慈說窮子
而啟諭守節迦葉辭請食於檀主護名釋允拒匹儷
於國王且夫穢觀已成嫌惡未受不引其賊如擠其

抗惟好所用自歸惟善所願躬納猶虛天而比廣若
厚地而絜大煩惱之藏莫窺空智之幾難覩亦有戒
壞而見存或有見全而戒毀能發誠而餓咎遂刻意
而悔愆二代之報可求三乘之果何遠夢羅刹而能
警臨將歿而敦念故婆門誹謗思良津而免尤闡提
善根資後因而延福觀相之心既切繫念之志必深
蠲五逆於幽狴解四禁於冥籍原乎蒼生處俗受格
異規黔黎居代殖操殊軌負才之子實多矜己之長
好譏之流則惟覩物之短既憎身之長少便覩人之
短多學上益以彌豐存下好而良鮮遵別之情無極
業溥之道未宏靡疚懷而利他乃留想而裨己習氣
飄而匪定稟命雜而弗醇暨乎詮聖之理可徵驗果
之由斯照則有偏居信善兼包信惡自他之善甯敢
專收自他之惡安能孤亮正可以舉善而攝善知惡
而統惡焉假使少能迴己以同人廢人以從己亦未
能頓祛三業長驅八正然可惡善之內則利俱學之
優旣遠之中因爾總施其能都泯其蹤物我咸緝之
務乃宏是以冰室由之遂寒石峰以之增峻三春戒
序青要之律克調九秋御節白藏之氣攸美遇善詣
性叶勝緣而自臧逢惡爲情蘊凶德而成否固可廣

存並學甄明別機麤迷二階之宗式標其趣矣次有利根邪見常緘顛倒之想敏質僻懷恆苞迷謬之態雖復久承戒珠之義夙奉禪鏡之明猶些毀於波若尚尊沓於種智肆其輕誚則背誕於三寶縱其妄識則委體於六魔墜泥黎而未央陷阿鼻而無盡徒勤誤學虛事錯遵七十五由斷見之非仍起九十一劫暗餒之苦未瘳易前探於本根當後歸於正遍又有因無始之界自有識之心罕聆法寶嘗淪俗化或恃長以縮短或見短以綜長或習上好之多或學下好之少惟別溥之偏駁混善惡之交馳植角之喻茲興

卷十二

五

被蠶之譏斯發泊乎觀佛開教聞灑貽矩眇身之善遂多視彼之惡攸眾但能廢人同己未克省躬就物志希極上之業情昏最下之規

績語堂碑錄

案此碑蓋從剪本過錄原跋謂通篇文理有不能句讀者疑當是衰池時爲劣工剪棄

紀王慎

慎太宗子韋妃生始王申後徙紀武后時改氏虺謫

巴州

外嫺不爲婚奏

堂姨母之姑姨及堂姑姨父母之姑姨父母之姑舅

姊妹婿姊妹堂外甥雖并外媼無服請不爲婚唐會要八

三十

襄王重茂

重茂中宗子初封温王韋后弒中宗矯詔立爲皇太子即帝位改元唐隆睿宗即位廢爲温王明年徙封襄開元二年薨追冊爲皇帝

太平公主依舊置府敕

公主置府近有敕總停惟太平公主有崇保社稷功其鎮國太平公主府即宜依舊唐會要卷六

行鄉飲酒禮敕

卷十二

六

鄉飲酒禮之廢爲日已久宜令諸州每年遵行鄉飲

酒禮唐會要卷二十六

雍王守禮

守禮章懷太子賢子高宗孫嗣封雍王唐隆元年追封邠王薨年七十贈太尉

贈太子廟隸太常奏

敕賜臣父廟號陟岡乞隸太常寺仍請安國相王書

額冊府元龜

褒信王繆

繆許王素節子高宗孫初封澤王降郢國公官宗正

少卿進封褒信王天寶初爲宗正卿

皇妹服制奏

皇妹及女准禮出嫁後各降本親一等今後並降爲第二等臣以爲執禮破親有虧常典宜請一切依服屬等第爲定不在降服限仍望永爲常式

唐會要六十五

嗣澤王潤

潤澤王上金之曾孫光祿卿德之子官恩王府司馬

大唐故奉義郎行京兆府涇陽縣主簿王府君

墓誌銘

并序

公諱邾字文秀琅耶臨沂人也曾祖同皎駙馬都尉

卷十二

七

琅耶文烈公贈太子少保尙定安長公主祖繇駙馬都尉琅耶懿公贈太子太傅尙永穆長公主父訓累授光祿卿娶嗣紀王織誠之季女公聰明生知忠孝天與出身從仕爲眾所知不以得失繼懷不以喜怒形色謙以自牧寬以養閑足可永保盛名剋終天壽公自弘文館明經號州弘農尉次任揚州江陽主簿考秩尋滿蹉跎江鄉累佐諸使勤勞借著名績時稱以去年入調長安天官以書判取人授公京兆府涇陽主簿今春季月遂赴所任宿疾不瘳漸嬰羸瘵干讓万療神道何依以其年八月九日終于萬年縣興

靈里永穆觀之北院享年五十七嗚呼淮水不絕君
家自昌豈曷藥餌不靈與物爭謝故知修短有定古
亦無替夫人則祕書監贈揚州大都督嗣澤王惠長
女潤之姊也居家守禮出事恭儀淑順不虧天生自
得公任弘農日染疾不起權殯於縣界長子貞素泣
血號天柴毀過禮終身之痛唯茲是憂遂策杖於弘
農扶護棺櫬將及合祔公有子二人次曰貞鎰女一
人猶未及笄出我家也後娶楊氏有子三人女二人
楊氏與貞鎰尙家維楊嗟之道路遐遠報不及期以
其年閏十月七日卜擇於萬年縣漣川鄉先塋之側

卷十二

八

也貞素以東海尙變陵谷恐平啟潤紀之庶乎不朽
潤以天倫之痛內兄之哀託石敘情備於歲月慙無
刀翰有愧於文握管慟傷銜悲述作銘曰

天不藏寶必降賢良公貞有度雅淑無量將永保於
閨祿何忽變爲代傷嗚呼郊原寂寂松柏蒼蒼嗟白
日之晝短痛泉臺之夜長

石刻

崔善爲

善爲武德中尙書左丞

唐書
有傳

糾劾丁憂起復奏

欲求忠臣必于孝子比爲時多金革頗遵墨線之義

丁憂之士例從起復無識之輩不復戚容如不糾劾
恐傷風俗

唐會要
三十八

薛收

全唐文一百三十三有傳

驃騎將軍王懷文碑銘

并序

蓋聞惟生爲貴輕之者類於鴻毛非義不居取之者
同於熊掌當仁處命不其難乎故椒儻不羈之才英
奇傑立之士遑遑重志業落落建功名心貫金石之
中氣逸煙霞之上雖則山淪海覆霧卷塵飛饋節捐
軀蹈之由已斯爲美矣豈徒然哉若乃寥廓千齡柳

卷十二

九

楊萬代獨顯非常之効以終國士之恩高烈振於遐
年義聲聞於當代則驃騎王君見之矣君諱懷文字
思忠太原祁人其先姬氏周室之胤水府山宗之秀
載挺瓊奇瓊林桂苑之華夙承休祉騰芳上葉流慶
後昆故能異人鬱起雄圖閒出祖魏常山郡主簿博
野丞寓量沈深養名蓄德父膺齊儀同臨朔鎮將風
格凝峻居仁蹈禮並藏器於身蘊材傲俗君騰精玉
守稟性金方少負不資之質長嬰跣拖之累跼步通
衢戢翼中野矯迹嘉遁佇運觀時暨炎歷將終皇猷
爽德生靈版蕩剪爲寇亂九縣區分四郊多壘君攘

袂激憤抽戈抗節旣濯鱗羽思遇風雲是時四柱方
傾其工之難尙梗五星不聚漢祖之業未隆空懷耿
介之心猶阻奔踈之路劉武周滔天猾夏荐食晉陽
宋金剛剽邑屠城挺惡汾浦乃以君爲僞上柱國行
軍總管非其好也君久悟焚巢恆思擇木終觀投石
未安累卵行危苟免言遜俟機太尉秦王建旆東轅
元戎北指出九天之外引百勝之師星驅雷駭剋平
大憝旣乃鳥合爲羣俱同鍛翮獸聚之內咸遇剪毛
而一面開羅三驅致禮捨鉤焚覲特降優隆光被寵
榮式加殊命乃受驃騎將軍則大唐武德三年也王

卷一 二

十

充負豐青巨流氛紫極屬南巢放桀之始西伯事殷
之初窺覲非冀妄干大寶聖上愍茲黎首情軫納隍
救彼淪骨思同濡足吾王奉遵廟算受賑徂征蘊金
匱玉鈐之謨運沙城石陣之略鑿門盡闔指定舊都
君乃陪預戎麾俱參列將自屯師洛汭結壘邨山醜
類遭誅屢犯旌旆君鷹鷂揚視展効獻功未極千里
之塗翻垂六鳥之翅鍾儀去楚不捨南冠華元入鄭
未通文馬王充置之左右情加推信仍授僞官兼優
封爵君乃詭同背誕密運忠規潛圖去暴庶恢茂績
方欲梟除元惡贊我大猷越以四年二月王充悉其

步騎出至城西吾王憑軾觀兵與其相遇旗鼓雖布
鋒鏑未交君乃獨斷神謀先騰壯烈抽戈電擊挺劍
風趁決機兩陣之間申威萬人之上一發則貫其左
股再申而析其右肱凶魁僵仆應時顛趾奔鯨赴穴
桀犬如林以無因之迹駭不存之地莫不眩目驚視
廢手頓足雄夫爲之亡胄猛士於焉累氣流光奪景
浮雲變色味血數步之中躍刃重圍之下以寡制眾
援阻路窮交鉞莫禦結纓終斃於是聲嘉玉冕悼感
瓊枝四國嗟傷三軍悽愴司儀奉命致禮轎轅賄賂
所加特超恆典功書天府復降王人詔贈公官諡曰

卷十二

十一

公禮也君質茂松筠心標鐵石慷慨有丈夫之操
磊落懷烈士之風運偶物艱時鍾德喪閼節高度不
以細行自拘爽氣通才方持雄略爲重屬兵車九合
齊楚之地未寧天下三分商周之道初革君乃屈迹
抑憤與俗沈浮違亂去惡歸身大造旣荷生育之賜
方酬山岳之恩契闊無虧造次斯在發忠顯効殉主
捐軀登太行以未危怙焦原而不懼故能抗逆藪之
敵怨致天誅於巨猾雖則荆卿奏曲空進燕圖豫讓
吞聲唯驚趙駟翳桑之倒戟懷惠輔氏之結草酬恩
比事論功固不同年而語矣吾王重義敦本情深嘉

尙永言遺節有邁前脩以爲紀錄銓名彝章之盛範
鏤鐘鐫鼎邦家之宏訓乃命勒茲元石式建豐碑樹
美無窮垂芳不朽方見雲飛幽隴飄飄與生氣俱浮
吹動孤松肅肅與餘風共遠其詞曰
於穆顯宗肇分姬姓休緒烏奕靈源鼎盛鶴舞周儲
鳧飛葉令流福膺響傳芳遼窆木禿喬林波騰巨壑
英奇奕載傑人間作是曰趨材茲稱勇略稟質俶儻
遊心寥廓珠囊掩曜玉弩騰暉霧擁元闕虹貫紫微
一人喪道兆庶無依逝莫以騁翔而未飛皇運膺期
帝圖惟始野有龍戰人同蝟起望阻昌期迹淪千紀
處異信國居非仁里奸魁放命肆逆汾陽椎轂台鉉
授律文昌威宣取亂績著侮亡氛祲旣滅遺黎以康
雷作旣解風行斯渙承茲渥澤去彼危亂躍鱗清波
厲羽霄漢乃優寵秩方隆榮觀羈萌縱慝狼戾爲羣
嵩邨地阻伊洛川分五策命將六郡興軍言從戎政
冀展鴻勳桓桓征夫蠢蠢窮寇舉斧未殄吞舟猶漏
墮伏無虞前茅爽候翻逢結木乃同夾脰違邦靡貳
苦節思負志除封豕庶剪長鯨神機奮發奇略允成
惟義是蹈茲軀以輕烈氣外揚雄規內擗拔棘超距
橫矛再事渠魁旣接孽黨咸暨劔及王僚縱加吳濞

人稱韓相地曰樓蘭捐生怨府建効鋒端論功彼易
語迹今難致命所欲垂名不刊森森壯節凜凜風度
易水方寒邛山永暮月照泉戶煙浮松路唯餘俠骨
傳芳竹素

文館
詞林

齊士員

士員恆州行唐人貞觀中官右監門中郎將延陵縣
開國子

太武皇帝穆皇后供養石像之碑

若夫妙覺誕因歷幾綿劫塵磨大地籌斬灌藂草木
與口壁同華日月與邱陵等觀皆有生滅之起無分

卷十二

三

帝王之果太武皇帝早感樞星晚逢電影開基設右
則天啟聖升霞而去閭闔橋山而葬衣冠穆皇后德
並乾坤明同日月不終十善早棄六宮同寢獻陵永
辭長樂高陵與靈岳等峻夜臺其渭水俱深陵廟近
松楊悲笳管息人禽思上國延陵縣開國子齊士員
宿殖善根家傳妙勝早悟正覺其敬育王義旗同盟
卽沾佐命心如白水節等秋霜悟大品而識大乘辯
大悲而歸大智聚沙爲塔累壁成臺妻捨生資夫施
爲馬求妙絕之工開祕密之藏初雕玉石開發金光
爲彌陀像一區二衛菩薩太武皇帝穆皇后二聖供

養萬劫崇善梵響長聞香煙不絕金山寶幄狐菟不
栖滄潭深海蛙蠅不宿無二之性卽是法性心無生
滅卽是涅槃塵滿由旬衣拂大石塵消石盡福報斯
隆祇闡之山重逢湧出無量壽國宛在目前其銘曰
帝應紫震后歸眞淨祚與天連業同主聖臣悟三空
爲修八正萬善脩緝十力雕瑩無去無來湛然常定
永安天闕長歸法性 右監門中郎將右勳衛郎將
檢校左右領府郎將長樂宮大監定州刺史上柱國
延陵縣開國子齊士員曾祖常□平南將軍豫州汝
南郡太守祖恩齊尙食典御父羨隨□州記室參軍

卷十二

西

兄傲隨廬州司兵參軍妻呂氏延陵郡君世子小師
右翊衛息世武文德皇后挽郎息世文世才世貴孫
神感神法神雨世文已下並幼未登仕長女潘水府
果毅和宜妻女娘兒然士員早承華緒先人餘福開
皇之歲宿衛宮闈尋配兵曹以爲品子久滯武庫未
騁文房大業末年軋綱落紐幸逢開闢運屬周旋立
佐命之元勳成割地之鴻業義旗之始卽授正議大
夫左一軍領帷幄之中決勝千里陣場之上身敵萬
人爵賞旣隆領禁天闕每承機要三十餘年太武皇
帝壽極升霞卽奉勅於獻陵供奉死生不離仍於陵

後千步賜以瑩域既盡君臣之禮冀申忠孝之誠建
功業於前存正念於後立頌報德勒石紀恩庶使萬
古千秋湛然不朽

非見齋
碑錄

獻陵造像碑

貞觀十三年歲次己亥正月乙巳朔一日右監門中
郎將延陵子齊士員恆州行唐人也王保府折衝都
尉趙伽頻陽府田阿女懷信府果毅都尉獨孤範天
齊府斛律瓌長豐府王仁感頻陽府關文瓚左右監
門校尉三原縣令檢校陵署令崔鑿王署丞裴珉內
省禦侮尉郭元宗陵寢二所宿衛人呂村任村王村

卷十二

五

劉村朱村唐祿村房村袁呂村謝村宿老等但士員
奉詔賜以終身供奉陵寢許生死不離宮闕縱令灰
骨喪軀無能報國今分割宦祿之資爲太武皇帝太
穆皇后敬造石佛殿一所并造彌陀像二菩薩師子
香爐座四面爲宮內存亡寫金剛般若觀世音經各
一部及一切經目昔前漢數終口運長安絕跡三年
後隨歷季之期天下分崩累載軍兵其斂而給黎庶
拚骸而食皆悲杼柚之空咸結傾匡之恨金符去其
王室玉帛出自私門四國是遑三川若沸太上皇膺
天順命伐罪弔民發義晉陽除凶京輔八荒懷服萬

國朝宗率土來蘇羣生再造荷斯極口建此神功託
聖德於渡橫流仰慈悲而登彼岸設使高山銷隙大
谷陵移冀等日月而長懸同天地之永固此報聖上
之恩冀存萬代但恐無識之徒輒有輕毀後若有人
敲打佛像破滅經字者願當當來世恆墮三塗地獄
世世不復人身常值災窮之報上

同

卷十一

示



